



Inatsisartunut ilaasortaq, Suka K.Frederiksen, Siumut

Asasara Suka K.Frederiksen,

12-08-2015
Sags nr. 2015-7361

Inatsisartut suleriaasianni § 37 naapertorlugu apeqqutinnut Naalakkersuisut qujapput.

P. O. Box 1037
3900 Nuuk

Apequtigisatit taakkunungalugu akissutit tullinnguuttuni takuneqarsinnaallutillu atuarneqarsinnaapput:

Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Namminersorlutik Oqartussani pisortaqafinni atorfinni, suliffeqarfinni pisortat pigisaani, suliffeqarfinni pisortat ilaannakortumik pigisaanni atorfimmut atatillugu sulinngiffeqarluni suliffimmiit akiliunneqarluni angalasarnerit qanoq aningaasartuutaatigippat?**

Kalaallit Nunaanni Namminersorlutik Oqartussani tamarmi 2014-imi sulinngiffeqarluni akiliunneqarluni angalanernut 5 mio. kr. missaat atorneqarsimapput. Aningaasartuutini taakkunani sulinngiffeqarluni akiliunneqarluni angalanerni aningaasartuutit tamarmik matussuserneqarput assersuutigalugu ilaqutanik qaninnerpaanik napparsimalersoqartil-lugu toqusimasoqartilugulu akiliunneqarluni angalasarnerit sulinngiffeqarlunilu akiliunneqarluni angalasarnerit. Sulinngiffeqarluni akiliunneqarluni angalasarnernut aningaasartuutit immikkoortillugit saqqummersinneqarsinnaanngillat kontolersuinissamut pilersaarutit taamaasorsinnaasunngorlugit aqqissugaanngimmata.

Ingerlatseqatigiiffinnut Namminersorlutik Oqartussanit tamakkiisumik ilaannakortumilluunniit pigineqartunut tunngatillugu paasissutissat kissaatigineqartut Namminersorlutik Oqartussanit pigineqanngillat.

- 2. Takussutissaqarpa atorfininnermut atatillugu isumaqatigiissutit malillugit atorfiit qassit sulinngiffeqarlutik akiliunneqarnissaminnut pisinnaatitaaffeqarnerisut?**
 - a. Takussutissaateqartoqarpat, qanoq agguataarnerit isikkoqarpat?**
 - b. Takussutissaateqartoqanngippat, suliaqarnissamik pilersaaruteqarto-qarpa?**

Namminersorlutik Oqartussani atorfilik akiliunneqarluni sulinngiffeqarnermi angalasin-naatitaanersoq pineqartup atorfinitsinneqarnermini isumaqatigiissutaani takuneqarsinnaasarpoq. Atorfillit sorliit akiliunneqarluni sulinngiffeqarnermi angalasinnaatitaanersut qitiusumik nalunaarsugaatigineqanngillat. Qitiusumik nalunaarsugaatigineqalernissaat pilersaarutigineqanngilaq. Tamatumunngalu patsisaavoq sulinngiffeqarnermi akiliunneqarluni angalasarnerit atorunnaariartor-neqarnerat, apeqqummut 4-mut akissut takuguk.

Ingerlatseqatigiiffinnut Namminersorlutik Oqartussanit tamakkiisumik ilaannakortumilluunniit pigineqartunut tunngatillugu atorfinitsinneqartut qanoq amerlatigisut sulinngiffeqarnermi akiliunneqarluni angalasinnaatitaalersarnersut pillugit apeqqutliinissaq massakkuugallartoq pilersaarutigineqanngilaq.

- 3. Suliffimminnik akiliunneqarlutik sulinngiffeqarnermi angalasarnerit pisortat suliffeqarfiutaani tamakkiisumik ilaannakortumilluunniit pigisaanni atorfeqartunut atorunnaartinneqarsinnaanera Naalackersuisunit eqqarsaatigineqarpa/pilersaarutigineqarpa?**
- a. Taamaattoqarpat, qanoq ingerlanneqassava?
 - b. Taamaattoqanngippat, sooq?

Aktiaateqarluni ingerlatseqatigiiffinnut inatsimmi aalajangersakkat naapertorlugit ingerlatseqatigiiffiup siulersuisuisa qullersaqarfiisalu ingerlatseqatigiiffiup susassaqarfinni iliuusissat qullersaanut siunnersuutigisartussaavaat. Ingerlatseqatigiiffiit qullersaasa ingerlatseqatigiiffiup ulluinnarni ingerlanneqarnera isumagisassaraat, soorluttaa taakku sulisunik atorfinitsitsisarnerit soraarsitsisarnerillu kiisalu sulisut qanoq aningaasarsiaqassanersut aalajangiiffigisaraat. Taamaattumik ulluinnarni qullersat sulisut ataasiakkaat tamakkiisumik qanoq aningaasarsiaqartinneqassanersut suliassaraat tassunga ilanngullugit akissarsiaqartitsinermit suut ilanngunneqassanersut.

Ingerlatseqatigiiffiit siuliittaasuisa februar 2015-imi isumasioqatigiinnerani Aningaasaqarnermut Aatsitassanullu Naalackersuisutut oqaatigaara akissarsiat ineriartorneri/akissarsiaqartitsisarnerit pillugit ingerlatseqatigiiffinnik qanimut oqaloqateqartarnerit akulikinnerusariaqartut. Taamaasiornikkut akissarsiaqartitsinerit naleqqussarneqarsinnaanissaat qulakkeerneqassammat. Ingerlatseqatigiiffiit namminersorlutik oqartussanit pigineqartut akissarsiaqartitsiarnarat aningaasartuutigisartagaasalu qaffasissusaat innuttaasunut ataasiakkaannut ingerlatseqatigiiffiullu unammillersinnaaneranut sunniuteqartarpoq. Aningaasartuutigineqartartut pingaartumik innaallagissamik, imermik, kiassarnermik, uuliamik attaveqaatinit pilersuisunit assartuinermilu akinit sunnerneqartarput.

- 4. Naalackersuisunit ilisimaneqarpa sulinngiffeqarluni kommunini akiliunneqarluni angalasarneq atorunnaarsinniarneqarnersoq?**
- a. Taamaattoqassappat, taartissatut ajunngitsorsiasat suut atuutinneqalissappat?
 - b. Taamaattoqanngippat, sooq ingerlatiinarneqarumava?

Namminersorlutik Oqartussat kommunillu 90-ikkut naajartulerneraniilli atorfinitsinerminni sulinngiffeqarnermi akiliunneqarluni angalasarnerit atorunnaarpat, akissarsiat pillugit isumaqatigiissutit isumaqatigiissutillu allat takukkit. Atorfillit tamanna sioqqullugu atorfinitsinneqarsimasut sulinngiffeqarnermi akiliunneqarluni angalasinnaanertik tigungmiinnassavaat.

Inussiarnersumik inuulluaqqusillunga
Med venlig hilsen

Anda Uldum